

Na osnovu člana 56. stav 2. Zakona o prostornom uređenju ("Službene novine Kantona Sarajevo", br. 13/99, 19/99, 24/01 i 32/01-ispravka), člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće, na sjednici održanoj 30. jula 2002. godine, donijelo je

ODLUKU

O PRISTUPANJU IZRADI IZMJENA I DOPUNA REGULACIONOG PLANA "VASIN HAN"

Član 1.

Pristupa se izradi Izmjena i dopuna Regulacionog plana "Vasin Han" ("Službene novine Grada Sarajeva", broj 17/85), u daljem tekstu: Plan po skraćenom postupku.

Član 2.

Granica obuhvata Plana utvrđena u Odluci o usvajanju Regulacionog plana prostorne cjeline "Vasin Han" ("Službene novine Grada Sarajeva", broj 17/85) se ne mijenja.

Izmjene i dopune Plana vrše se u neposrednoj blizini Višegradske kapije, a granica Izmjena i dopuna počinje sa tromede parcela k.č. 677, 678 i 676 K.O. Vasin Han, ide u pravcu jugoistoka medom između parcela k.č. 678 sa lijeve i 676 sa desne strane (obuhvata je), izlazi na put k.č. 951 koji presjeca u pravoj liniji, nastavlja istim na jugozapad (obuhvata ga) i dolazi do njegovog raskršća sa putem k.č. 947, skreće na sjeveroistok idući putem k.č. 947 (obuhvata ga) i dolazi do tromede parcela k.č. 697, 947 (put) i 698, skreće na jugoistok presijecajući put k.č. 947 i dolazi do tačke broj 1 koja se nalazi na medi između parcela k.č. 677 i 947 udaljenoj od jugozapadnog ishodišta lista R=l:1000 broj 132 po Y=276,5 m, a po X=136 m, skreće na jugozapad idući u pravoj liniji preko parcela k.č. 677 te dolazi do tromede odnosno mjesta odakle je opis granice i počeo.

Sve naprijed navedene parcele nalaze se u K.O. Vasin Han.

Ukupna površina obuhvata u kojem se vrše izmjene i dopune iznosi 0,1 ha.

Član 3.

Rok za izradu Plana je dvadeset (20) dana od dana donošenja ove odluke.

Član 4.

Sredstva za podloge i izradu Plana obezbijedit će Grad Sarajevo iz Budžeta za 2002. godinu u iznosu od 2.500,00 KM.

Član 5.

Nosilac pripreme Plana je gradonačelnik Grada Sarajeva (u daljem tekstu: Nosilac pripreme Plana).

Nosilac izrade Plana je Zavod za planiranje razvoja Kantona Sarajevo (u daljem tekstu: Nosilac izrade Plana).

Član 6.

Izradi Plana prethodi izrada Smjernica za pripremanje i izradu Plana i izrada analitičko-dokumentacione osnove, a verifikuje ih Nosilac pripreme Plana.

Član 7.

Nosilac pripreme Plana utvrđuje Prijedlog Plana i podnosi ga Gradskom vijeću na donošenje po skraćenom postupku.

Član 8.

Subjekti planiranja su: Grad Sarajevo, Općina Stari grad Sarajevo, Ministarstvo prostornog uređenja i zaštite okoliša Kantona Sarajevo, Ministarstvo prometa i komunikacija Kantona Sarajevo, Zavod za izgradnju Kantona Sarajevo, Zavod za zaštitu kulturno-historijskog i prirodnog nasljeđa Kantona Sarajevo, javna i javna komunalna preduzeća, vlasnici i korisnici prostora, mjesna zajednica, drugi zainteresirani subjekti i potencijalni investitori i korisnici prostora ukoliko su poznati.

Član 9.

Na području obuhvata Izmjena i dopuna Plana utvrđuje se režim zabrane građenja do donošenja Izmjena i dopuna Plana.

Član 10.

Sastavni dio ove odluke je grafički prilog - prostorni obuhvat Izmjena i dopuna Plana prema opisu datom u članu 2. odluke.

Član 11.

Ova odluka stupa na snagu osam dana od dana objavljivanja u "Službenim novinama Kantona Sarajevo".

Broj 01-02-882/02
30. jula 2002. godine
Sarajevo

Predsjedavajuća Gradskog
vijeća prof. dr. **Mira
Jadrić-Winterhalter**, s. r.